

假如世界只留下小部分人，你還有勇氣生存嗎？

作者: 港子

Powered by [紙言](#)

暴風雨前夕

我叫陳照，好多人都叫我做呀蕉，理所當然我英文名就係banana啦，我係一個平凡嘅中六生，居住係屯門嘅一個小屋邨，我有諗到呢幾日就係我人生嘅轉捩點，點解我咁講？因為我平時都只係一個冇人識嘅人，根本就冇人理我，所以我生存嘅世界就好似只有我自己一個。另外，因為我嘅屋企人都長期不在家，所以更加寂寞，因為佢地長期係外地工作，一年都見唔到幾次，所以我平時日常都係同我死黨過

我個死黨叫呀文，因為由細識到大，所以我地乜都會講，平時我地一係屋企就會打機，今日都唔例外，咁我地一路傾電話一路打機，突然，窗外一閃，黃色嘅閃光打落地上。

呀蕉，你係到做緊乜，快啲幫手啦。

我比呀文一叫，立即回過神來，我就同佢講。

呀文，你覺唔覺得好似有啲唔妥？你睇下個天？平時都好似唔係咁嘅色，呢家就紫紅色，街上面一啲聲都冇，人影都冇隻，會唔會有啲野？

點會呀，好明顯你諗多左啦，你住咁高，緊係聽唔到有聲啦。

可能係啦，我唔打啦，眼訓，聽日見啦。
好，早抖。

如是者，就過左一晚，一開眼，太陽明顯地比平時紅，比平時顯得更加大個。

啪！啪！啪！開門啦！係我呀，呀文。

我並不驚訝，因為每朝呀文都會搵我，因為佢就住係樓下個層，我一直都夢想所有朋友都住係同一座大廈。不過又點會得。

咩事呀？呀文咁早搵我。
冇丫，想搵你打機姐。

就係咁，我地就由朝打到夜晚啦！

呀文，你覺唔覺今日個天好似紅個琴日，你睇下街，一個人都冇。

係啫，可能有啲事發生，開電視睇下先。

特別新聞報導：街上出現不知明物體！各位市民請盡量留係家中，冇咩特別事情就唔好出街啦！

呀文睇完驚到要留係我屋企訓。

啲人話暴風雨前夕都係平靜嘅，唔通遲下會發生大件事？

呼！呼！呼！

開始

呼！呼！呼！

啲聲係門口嚟架！呀蕉，去睇下啦

快啲開門呀，呀蕉，係唔係到呀？救命呀！

呢把咁熟悉嘅聲一定係呀傑啦。

一開門，佢就即刻跳入嚟。

我問佢乜事啦，佢就話

就先我岩岩去完旅行，一番到屋企，見到門口有個人鬼鬼祟祟咁，但係突然，佢好似見到我咁，跑過嚟我到，我正面望到佢，我發覺，佢根本唔係人，因為佢隻眼成隻都紅色，手同腳都係紫色，感覺上好似死人咁，咁我緊係跳入升降機啦，最變態就係我入左去之後，對門就關了，但突然有五隻指甲吉左入嚟。

咪玩啦五寶！乜春指甲咁勁，可以整穿個升降機呀！

唔係講笑架！你睇下，呢塊係我頭先走甩個陣，部升降機整斷佢嘅其中一塊指甲。

嘩！咁指甲嚟，咁硬，咁尖，比佢吉一下都死硬啦，咪住，你頭先講到佢唔係人，咁唔通係喪屍？

唔撚係呀化！（呀文同呀傑異口同聲咁講）

咁唔係丫？你頭先講到咁，新聞又話不知名物體，仲唔係喪屍？嘩屌，呢個時候我諗番起之前係高登個個屍故，咪玩啦，你估我真係好似入面啲主角咁有勇氣咩，仲有超能力。

係呢個時候緊係上下高登睇下咩事啦，一禁入去，就睇到個post，（香港人係時候團結起來打喪屍啦）

我心諗，我乜都冇，真係用隻手打喪屍咩？

呢個時候，我發覺我兩個fd坐左係到，粒聲都唔出，我本身都好驚架啦，唉！竟然仲驚過我，睇嚟都要發揮我嘅才能啦，搞爛gag。

喂，呀傑，你隻右手呢？唔係比喪屍咬走左呀？

呀文同呀傑都笑一笑，冇錯，因為呀傑係天生冇左隻右手嘅，所以都冇乜特別。

呀文！呀傑！我地諗下我地呢家點啦？我岩岩先十八歲，乜都未做架，唔想死住！

咁睇嚟我地都要搵下仲有冇生還者啦！呀文一言驚醒洛克人。

係嗰，打電話睇下先。

唎！唎！唎！。

打唔通嗰，一定係太多人一齊打電話啦。

嗯，原來我電話有人搵個我。

（表哥，你呢家係邊呀，你未死就認下我啦）

原來我表弟頭先搵過我，睇埋第二個信息先！

（喂，如果你冇事就快啲嚟我屋企啦）

嗯，係嗰，我即刻叫呀文，呀傑汁晒食得嘅野走。

點解要走？呀傑話

緊係要走啦，我地啲野食頂到幾耐，我表弟個到就唔驚啦，佢咁有錢，啲野食最小都頂到幾個月啦。

冇錯，我表弟係個好冇錢嘅人，唔係，係佢屋企好冇錢。

所以，我，呀文，呀傑，就走左了

再見啦，屋企！！！！

慢慢走慢慢走，去表弟家嘅路程，是危是機呢？到底我地可唔可以安全咁走落去呢？？？

離開家園

喂！我地要帶咩呀？
呀文係我後面講

帶咩？帶食物呀，因為去個邊我諗都要幾個鐘架，仲有，唔想死就去廚房拎埋啲刀刀叉叉啦。

喂，咁洗唔洗拎埋指甲鉗呀？佢地啲指甲咁勁。

玩尻我咩呀傑，佢地啲指甲硬成咁，你當佢地企定定比你剪咩？

如是者我地就帶同食物，同一兩把菜刀去表弟家了。出門口前我傳左個訊息比佢。

(我同我兩個fd伊家出嚟，預計兩個鐘會到)

(收到，萬事小心！！！)

一出門口，就見到一隻。

嘩屌，咁嘅樣嘅！！！！呀文大叫

咪攞嘈啦。你睇，佢見到我地啦，快啲走啦。

去邊呀？

行樓梯啦屌，一陣樓下大堂一群喪屍我地咪仆街？

係嗰！！有道理。呀文講

係呢個時候，有一隻喪屍撲向呀傑身上，一抓！撲空了，原因是呀傑是天生冇右手的，而個隻野一咬咬落件衫到，個樣十分好笑。

快啲幫手啦！！！！呀文，呀蕉！！

比佢叫一叫，成個人醒左，係嗰，呢家唔係玩遊戲，會死人，我一手係我背後拎出把菜刀，一下就揮向隻喪屍個頭到，命中要害！

冇事呀嘛呀傑？你隻手都幾幫到你手嗰，哈哈！

仲講，快啲走啦！呀傑露出恐懼嘅表情望住我同呀文後面！

呀！呀！有把聲係我地後面傳過嚟！人還是喪屍？

死亡遊戲

就係呢個時候，呀傑好驚咁望住我後面，我一另轉，見到對面屋門口有個人訓左係到。比四隻喪屍圍住。

「救命呀！」個條友訓係到申起隻手。冇錯，我地只係見到佢隻手，因為佢成身已經比個啲怪物，唔係，係喪屍，咬到同抓到不似人型，所有內臟都掉晒出嚟，而佢申出嚟個隻手比喪屍一咬，只能條條fing地申向我地，希望能幫到佢！

「救命！.....鳴！」

「快啲走啦！仲睇咩丫？佢死左之後就到我地啦，唔想死就走啦！」呀文話

我地即刻打開防煙門，走樓梯，一行到樓梯，我先醒起我住三十樓，要行落去都要幾耐下，一路行一路諗，面對住一個人向我地求救，我地只能默默地望住佢比人食，根本都幫唔到佢，唔通呢個就係我地生存嘅目的？如果我地有事，向人求救，人地又會唔會幫我地？定係根本就咁黑暗，自己生存為最大嘅利益？再諗一諗，頭先我殺個個係唔係人？咁我咪之係殺左人？諗到呢到，我隻手都仲發抖緊！

「蕉，我知你諗緊乜丫，唔關你事架，佢唔死就我地死架啦」即管呀文咁樣同我講，亦無法平靜我此刻嘅心情

沿途一路行落去，一路聽見求救聲，而我地只可以愛莫能助，為求自己生存，只能眼白白咁睇住一個人死係我地面前，可能係因為佢地，我地沿途先咁安全，但係我地完全幫佢地唔到！

一路行落去嘅時候有時會見到啲喪屍享受緊佢地嘅食物，當我地行到佢地下門口嘅時候，只到有個人影坐左係到。

「喂！係咪人呀？係就出句聲啦！」

只見佢慢慢另轉頭之制，呀傑手起刀落，一下斬落佢個頭到。

「喂，你咩事呀，呀傑！！！！」

「呀蕉，你唔好傻啦，唔係佢死就我地死架啦！」

雖然話就話係咁，但都唔知係人定屍，我真係做唔出囉

一開門，見到周邊都係屍體，個感覺就好似我地玩I4d岩岩係安全屋出嚟個吓！

我亦都知我地唔會再安全，要快手，呢個係一個遊戲，但呢個遊戲一但輸左，就會死！！！！！！！！
！！！！！！

起程

「好，起程」我細聲咁講

我地諗一諗路程，現在身處健生邨！假如到我表弟家(龍門居)，必須要經個青田公園，再到石排沿途經由輕鐵路軌一路行，我諗都要兩個鐘，因為要選用最安全嘅方法。

沿途仲要希望乜野事都有發生，再望番我住個棟樓，我諗都仲有好多人係入面，因為好多都著左燈，但望過小小，就有好多紅色嘅微光，應該就係個啲喪屍！呢家望就望暫時全部留晒係棟樓上邊。

「唉！呢個世界變成點丫，其實係咪得番我地幾個架！！！！」呀文樣都變埋

就係呢個時候，遠處有一個黑影從天落下！

「屌，唔撻係呀？啲屍識飛咁唔合理？咁佢玩撻晒啦，我地死緊啦」呀傑驚驚青青咁講

「其實有屍嘅出現已經好唔合理，不過睇清楚啲，個個應個係人！」

應該係一個中年女人

「boom」！一聲，引左係附近嘅喪屍都過晒嚟，啲屍好似發現新大陸咁，拎起個個血淋淋嘅女人，慢慢一下一下咁咬落要，同我地平時食牛扒冇分別！

「唉！我諗個個女人都接受唔到呢個事實，所以寧願死都唔比啲屍咬死，但又點會諗到死左都比啲屍慢慢食，死無全屍呀？」

「快啲走啦！趁呢家冇人」呀傑拍拍我講

就係咁，我地只能見到個女人慢慢比人分屍，然後我地就直穿過青田公園。

再見啦！屋企

我地上到天橋之後，一望，望入宣道書院入變，發現好多屍係入面，為免驚動啲屍，我地唯有行去新圍個邊。

鈴！鈴！鈴！

「屌，唔記得較靜音！」

令我知，只要係呢一到做錯一個決定，分分鐘幾條人命就玩完！

「喂！邊位？」

「太好啦，你地冇事！呀文係唔係你身邊？蕉，我係呀柔呀，我岩岩一訓醒發現乜人都冇晒，睇一睇新聞發現周圍都係怪物，正當我想走嘅時候，一開門發現有隻怪物係到食緊人呀！可唔可以嚟救我呀？」

就係咁，我同呀文呀傑講左！

「快啲走啦，邊救到佢姐，佢個邊一定好多屍啦！！我地過去咪死緊！」呀傑講

「唔得，唔可以見死不救，我已經忍夠呢個世界，不停見個個人死係我地面前，仲有，呀柔係我地中學同學，識左6年，點忍心唔救佢？何況佢一個女仔！冇人救佢就死硬」呀文堅決咁講

如果我冇記錯，呀文嘅初戀就應該係呀柔！

「我都認為應該要救佢，救得一個得一個」

「唉，你地都痴q線，行啦，仲唔行就比人發現啦！」呀傑話

「得，呀柔，我地呢家過嚟，你計定野，準備走」

「多謝你呀！蕉」

「唔洗，係呀文死都要救你！」

「...」

好，出發去山景邨，回望我地曾讀過嘅中學。

老師，同學，唔知呢家點呢？

如果真係一開始得我一個，我相信我會好似個個女人咁，係呢一刻我發現我有真正嘅朋友！！！！

地獄

2013年7月20日凌晨5點40分

太陽慢慢升起，黃紅色嘅光射入我眼簾！夾雜著一陣陣血腥味。

我地點樣先可以安全咁救到呀柔呢？？我地一路行就一邊諗。再睇睇我地身上，每人都係得一把菜刀，一隻屍都打到死下死下，如果嚟幾隻咁點？再望下我地個身，已經沾滿晒唔知係人定屍嘅血！

沿途一路行，就諗起半年前我地仲要番學嘅時候，每日都係經過嚟到，然後去山景邨食飯。

但係而家，只留下呢個死寂嘅地放，沿途傳出陣陣屍臭味！輕鐵路軌不再見輕鐵經過，間中傳來，嗚！嗚！的叫聲。

山景邨！

「喂到啦！咁我地點去搵佢呀？佢住邊架？」呀傑講

「呀文會識路架啦！哈哈，我諗喪屍唔係出現左咁耐，應該仲會留晒係每棟樓裏面，所以萬事小心就應該救到佢出嚟」

「佢住係山景，係最入面！景富樓高座十樓。」呀文講

一行入山景邨，就有種莫名其妙嘅壓迫感，果然，啲屍仲係係啲樓，店舖入面，正當我地望入m記，發現有兩隻屍正係到享受佢嘅食物，雖然已經睇唔到咩樣，但我地都知係m記職員，只見啲屍身後嘅漢堡包原封不動咁放左係到，相信個啲屍除左對人，就應該對其他野都有興趣！

見到咁嘅情況，我地唯有急急腳咁走啦，我地嘅目的都係為左救呀柔走姐！

咁跟住我地就快快手就行啦，我地都發覺，每當啲屍食緊野嘅時候注意力係最低。

每當我地行每一步，我地個心就越嚟越急，我地都知道我地唔係玩緊game，我地乜都冇，得把菜刀，假如一次個嚟幾隻，我地唔死都唔得！

正當我地行到去景富樓門口之制，發現有隻屍係到走嚟走去，咁我地要上去的話只好把個隻野殺左啦！

「呀傑，靠你啦，用你隻手搞店佢啦，好似一開頭咁！」呀文講

「你都傻嘅，你地唔好？要救人又係你講！」呀傑回答

我地傾左一陣之後就決定由呀文去引個隻野，我同呀傑就係後面幫手。

「去啦呀文。」

呀文小心翼翼咁走埋去！

隨手汁起石仔。就掉埋去！

「喂！白痴仔，呢到有野食呀！」

呀文一講完，就跑去我地一早就預備好嘅位置，而我同呀傑一早就埋伏左係左右，隻野一見到野食就發晒狂，發晒狂！

即刻追住呀文。

「中計啦你！」我用雙手拎起把菜刀，一下向住個隻屍嘅後腦斬落去。

「嗚！嗚！……」唔知佢係到講啲乜，佢已經行唔到，但可能我太細力，無法一下了結佢。

「快啲殺左佢呀！佢係到叫同伴呀！」呀文大叫。

呀傑立即用左手拎起把刀，用刀一下斬落去，一下將隻屍個頭同個身分開左，冇錯，唔係講笑，呀傑隻左手比我地任何一個人左右都大力，因為佢天生小隻手，所以佢由細到大都不停訓練佢隻左手。

係呢個時候，周圍嘅樹都有啲動靜，就好似提緊我地好多野嚟緊！

「快啲上樓！」

樓梯門口一早已經開了，所以我地即刻跑上去，沿途有乜野都唔理！

九樓，十樓！

「到啦，係呢到！」呀文講

「呀柔，係我呀，呀蕉，快啲開門！」

咔嚓！大門慢慢咁開！

呀柔樣子慢慢咁露出嚟，一見面，就即刻撲落呀文到。

「多謝你呀！呀文！」

「快啲入去先啦！想死咩？」呀傑講

咁我地就快快手入左去，我由窗口望落去，見到頭先我地殺個隻野個個位，有好多隻係到，三，四，隻，唔係，個到最小又十隻，每隻個口都有血，相信係岩岩食完野個啲屍啦。

「點算，呢個時候我地點丫？」呀柔講

「應該係頭先我地殺隻屍個陣，比佢叫人幫手，事實證明佢地應該識溝通！」呀文話

「係呢個時候，我地諗諗點走先」

6時30分，已經出發左一個半小時！

只見樓下越嚟越多喪屍，天已經光晒！太陽光照住地下，地下上面嘅血，其他人嘅手手腳腳，呢到邊到嚟！呢到根本就係地獄！！！！！！

出路

6點30分

「個啲咩嚟架？係樓下有好多丫，我地點走呀？個啲係咪人嚟架？」呀柔不停嘴係咁講

「等等先！我諗個啲應該係人變，其實我地都唔清楚，因為都係發生左右幾耐！我整係知我地呢家要走！咁請問你同呀文夠未呢？」

呀文同呀柔即刻放手！場面即刻靜左一靜

「我地呢家點算？周圍都係，我地點走？」呀傑一路講一路拎住把好多屍血嘅菜刀係到fing

「呀傑！唔好咁緊張住先啦！比啲時間我諗下！！！」叫人唔好緊張，其實我仲緊張。

「不如我地跳去低座個邊丫？」呀柔講

「得唔，試唔試下？」

「死就死啦，唉！」呀傑講

因為高座同低座係冇直接嘅路去到嘅。所以我地要跳落去先得！不過首先要去到2樓。

「就行番我去岩岩上嚟個條路啦！就先上嚟都冇野！」

於是我地行番落去。

去到五樓嘅時候。

「喂，你地睇下！個到係咪有啲野？」呀柔指住防煙門出面！

「睇睇！係嗰，好似有幾隻屍訓左係到，好似死左咁。係旁邊仲訓左一個警察屍體嗰！」呀文走過去搭住呀柔講

「唔好理啦，快啲走啦」呀傑好心急咁講。

「咪住！如果係警察，咪可能有槍？如果有槍可能會幫到手！」

於是我地即刻行過去睇下！

「嗯，呢把係左輪嚟架嗰，屌，冇晒彈啦！唔掛得之旁邊有啲屍死左係到啦，一定係佢開槍殺死啦！」

「你睇下佢有冇後備彈！」呀文指住條屍講

「係嗰，呢到仲有兩粒，收埋先，呀傑，你拎住？」

「屌，冇手拎呀，你自己拎番，就算我拎左我都用唔到啦！」呀傑一心以為我玩佢，但我真係唔記得左，因為呀文又拖住人！咁我唯有自己拎番啦。

跟住我地行到二樓。

「喂，睇下下邊？個十幾隻屍呢？唔見左嘅？」

「頭先上嚟個陣有冇關門？」呀文問呀傑

「冇呀！」呀傑諗一諗

呀文望一望樓梯下邊！

「仆街啦！快啲走，上緊嚟！」呀文大叫

呀傑一聽到，就好似保特上身咁。9秒9跳左落低座

呀傑行頭，我行第二，之後呀文叫呀柔跳落嚟先

「嗚！嗚！！！！呀」
啲屍好似發現左食物咁，突然非常興奮，叫聲即刻轉邊左！

呀柔跳左落嚟之後，到呀文。

呀文一跳！「呀！！！！！！！」

.....

人物介紹

陳照(呀蕉)18歲

平凡中六學生，一直以來都覺得自己冇朋友，自從喪屍出現，一個個朋友出現係自己面前，佢就發誓要保護朋友。一直都鐘意睇屍故嘅佢，發夢都冇諗到會出現係佢面前，屍嘅出現，佢只能夠憑曾經睇屍故嘅常識嚟助佢生存。

戴諾文(呀文)18歲

呀蕉死黨，喪屍出現嘅時候同呀蕉正在打機，份人非常冷靜，能夠每次都協助同伴安全導過，非常重義氣！呀柔嘅前男朋友，為左呀柔連死都不怕！未知喪屍出現能否令佢地重新開始！

周傑(呀傑)20歲

天生只得左手，但左手重拳能夠達到200磅，比平常人左右手更大力，喪屍出現時候，岩岩旅行番嚟，之後就去搵呀蕉幫手，份人非常怕死，如果自己唔洗死，咩都做得出，但係緊急關頭會更加大力。

李加柔(呀柔)17歲

呀文前女朋友，喪屍出現之時係家裏訓覺！訓醒之後發現唔同晒，就打比呀蕉求救！份人觀察力非常高，所以通常都係佢發覺，同呀文之前因為一啲誤會而分開，喪屍出現，令佢地再見面，相信對呀文還有感覺。

黃旦端(呀水·表弟)16歲

呀蕉表弟，屋企靠賣山參海味為生，非常有錢，喪屍出現時唔知做緊乜，住係龍門居，經常覺得錢係大晒，但從喪屍出現之後有所改變，同呀蕉有如親兄弟。

出路(2)

「呀！！！救命呀！！」呀文大叫

正當我另轉頭時候，見到呀文凌空左掉住左係到，隻腳比隻喪捉住，唔係！係插住左，隻野五隻手指都插晒入呀文仔腳到！

係呢個時候，我諗，如果到啲喪屍咬到，我地係咪會變喪屍，如果手指又會唔會傳染呢？

「快啲救佢呀！呀文唔可以死架！」呀柔失晒控咁向前沖！好綵呀傑一手拉佢番嚟！如果唔係，呀柔一定成為樓下啲屍嘅食物啦！

係危急嘅時候，突然諗起我有把手槍！
咁我就即刻拎起把槍，亂咁禁！呸！口平！
一槍命中想咬呀文嘅喪屍個頭！一槍射左落捉住呀文隻手！

呀文隨即跌左落嚟，呀傑一手捉住左呀文！一下就捉番呀文上嚟！對面樓上嘅喪屍都只可以不爽咁望住我地！

「快啲走啦！呀文，仲行唔行到？」呀傑問

「你地走先啦！」呀文明顯隻腳係行唔到！

呀柔一支箭咁沖埋去呀文身邊扶起佢！勉強都可以慢慢行嘅！

「咪傻啦！要走就一齊走！」

於是我地就慢慢行啦，由於呀文傷左，所以我地嘅速度大大減慢

「嗯！等我望望把手槍先！」

「下！原來我頭先一槍都冇用過㗎！你睇下我把槍？屌，原來用唔到嘅」

「唔通仲有人係到？善良的槍？哈哈！」呀文開玩笑

「呀，你仲有心機講笑，你唔痛咩？」呀柔一下拍落呀文隻腳到。

「嘩！咩唔痛呀！」呀文大叫

跟住我地準備就由低座個邊行番落去

「喂，等等先，記唔記得我地有兩個同學都係住係呢到？」

「係㗎，呀峰同呀健呀嘛？好似係上一層三樓！」呀文答

1

「你地想點呀？唔係呀？唔好啦，快啲走好冇？」呀傑好似知我地想點

「我地咁耐同學，冇理由佢地有事，我地唔幫呀？睇下佢地係唔係到啦」

「可能佢地走左呢，又可能.....比喪屍食左呢？」

呼！呼！樓上傳嚟槍聲。

舊同學

呼！呼！樓上傳嚟兩下槍聲！

正當我地想上去嘅時候，見到一個肥仔仆左落嚟，啪！啪！

我即刻埋去扶起佢，「噃！咁熟口面嘅」
呀傑係我後面講

我即刻望真啲佢。「係嗰，肥仔峰！你冇事呀嘛？呀健唔係同你一齊架咩？」

「冇事，係呀，呀健係上面槍殺緊啲喪屍！」

「槍？」

「係呀，頭先係門口見到個警察比啲喪屍咬死左，跟住呀健咪擺左佢支槍囉！」

「咁我明啦，個兩個警察應該係一齊嘅！但有一個比喪屍咬死先，另一個就好似我地咁過左嚟！咁我知啦，頭先幫呀文個個係咪呀健？」

「係呀！頭先我地聽到有啲聲咪去走廊睇下囉，咁岩見到呀文比啲野捉住囉」

「快啲走呀！輕鐵站等！」有把聲係樓上傳嚟。把聲係呀健嘅

我即刻扶起岩岩仆左落嚟嘅呀峰，向輕鐵站進發！

呬！呬！呬，又嚟三下槍聲！

「嗚！嗚！」

「佢吧咩槍嚟？有咁多子彈咩？」

「佢個把得六粒子彈！」呀峰絕望咁講

「計埋頭先救呀文個兩粒，咁咪得番一粒？唔得，我要上去救佢！」

「你聽唔到佢地我地走咩？仲有，我地做到的咩？咪只係佢嘅負擔？」呀傑一路講，一手拉走我

「我都認為我地呢家要走，呀健佢講得出做得到，冇事嘅！」呀峰拍拍我

「等我嚟！」呀峰同呀柔講！之後一手抱起呀文，就向樓下跑

「唔該啫！」呀文同呀峰講

唔好睇肥仔峰咁肥，佢都好大力，跑仲跑得好快！

就係咁，我地一路跑，沿住我地嚟嘅地方，一路走到鳴琴站

「噃？頭先m記個幾隻野呢？」呀柔講

我望一望，入面只剩番一小小血肉，個幾隻喪屍都唔見左，應該係比呀健嘅槍聲吸引左過去！

行到鳴琴站之後。咁咁！咁！

令我地見到個震撼嘅畫面，因為m記有啲窗對住輕鐵站！見到最小有五個人痴左係窗到，成身都係血！睇嚟都係喪屍嘅早餐。

仲有一個重傷嘅人，垂死咁拍拍窗邊，空洞嘅眼望住我地呢邊！希望我地可以救佢！

老實講，我地都照顧唔到自己啦！仲點救佢，就算救到，佢都比野咬過，唔知會唔會變屍啦。

「對唔住！」我只可以咁講

沙！一聲，岩岩叫我地救佢嘅人比隻屍一手插穿心臟，玻璃都碎埋。

我去都只係可以好似一開頭咁避開一邊望住佢無助嘅眼神，慢慢咁比屍食，可能頭先佢唔拍玻璃，啲屍會發現唔到佢，但佢見到我地，一心認為我地可以幫到佢。

個種內疚感係我心入面莫名其妙咁擁出嚟，一個二個人想我地幫佢！但都救唔到！！！！天呀！

目的地

8時正

走左之後，我地一直係鳴琴站等，等左半個鐘。都未見呀健，而周圍嘅屍都好似食飽晒咁，有啲訓左係到，有啲冇目的咁慢慢行。

「咁點？我地走未㗎」呀傑打破靜局

「唔得住！我地要等埋呀健。」呀峰馬上回答

「但再係咁落去，呀文係咁出血，佢可能會死架！」呀柔非常擔心

「咁一係你地走先啦，我信呀健，佢一定會嚟！」

「唔得，一係咁，我同呀峰留係到，我比個地址你，係個邊等㗎？」

「好，就咁話啦」就係咁，呀傑，呀文，呀柔就行先，只留番我同呀峰係到，時間係8點30分。

「萬事小心」

「佢地已經出發左半個鐘啦！呀健仲未見人架」我話

係呢個時候，見到一個身影係天橋行出嚟。

「係呀健呀！」呀峰即刻跳出嚟

我同呀峰都走左過去

「喂，呀健，咁勁嘅，你點走出嚟架！」

「一路行一路講，啲屍應該會跟住我地！」
呀健好冷靜咁講

之後我地一直保持最快速咁行，因為呀健受左傷，所以跑唔到！

「頭先我咪叫你地走先嘅？跟住我把槍又有晒子彈啦，所以我咪係樓梯個到，一下跳左落去囉，好綽個到三樓，跟住我想過嚟搵你地嘅時候，發現個成條路都係屍，咁我咪只可以行另外一邊囉，所以咪行左咁耐，係呢，佢地呢？冇事嘛？」呀健一路行一路講

目的地(2)

「因為頭先等左你好耐都唔見你，另外呀文又傷左留好多血，所以叫佢地走先」

於是我地行到去龍門居。見到輕鐵車廠入面最小有二三十隻喪屍，如果一驚動到佢地，我地命仔不保。

「係啦，呀健！呢到有兩粒子彈，你拎住！」

健：「好，咁我地呢家點？」

我：「我地呢家先要上我表弟到！」

我地一入到大廈大堂，就有一隻屍歡迎我地。

我：「等我嚟！」我一下跑到隻屍面前，一把菜刀斬落去

「屌，乜野事！」我把菜刀痴住係隻屍後面，但把刀柄甩左！

我：「屌！！！！made in china」

話都未講完！隻屍就撲向我到！我一腳撐住隻屍個口，啲口水係咁跌落我塊面到

呼！一槍，只見呀健拎住住把槍，隻屍已經應聲倒地！

「唔該晒呀健！」

講完之後我地即刻跑入升降機

係大堂門口已經有兩隻屍嚟緊

峰：「快啲閃閃啦」

健：「幾樓呀？」

我：「十樓」

好綽我地出升降機冇見到個啲屍，話咁快就嚟到門口！

「到啦！我地目的地！」

拍！拍！

表弟探頭出嚟「你到啦？」

我同我朋友即刻入左門口

表弟：「係啦，佢地就係呀文同呀傑??」

我：「唔係呀！佢係呀健，佢係呀峰！係啦，呀文仲未上嚟？」

「未呀，得你地姐！」

「仆街啦！佢地明明早過佢地嚟架！」

9點30分

只聽到門口有腳步聲，係邊個呢？呀文？呀柔？呀傑？

佢地會唔會有事呢？

外傳(一)

時間回到呀文佢地岩岩走嘅時候

伊家呀文，呀柔，呀傑身處係ive門口

柔:呀文好似行唔到啦，佢好多血丫，一定要止血先啦。

傑:呀，我參觀過ive，我記得入面有啲止血嘅野架，不過可能入面都有好多屍。

文：唔洗理我，快啲走！

柔：唔得，咁樣你會頂唔順架！

呀文始終唔夠呀柔講，之後就入左ive.佢地一路行一路行，沿途都見唔到未死嘅屍，只有一隻隻死左嘅訓晒係地下

文:係邊個殺死啲屍呢？唔通呢到仲有人？

柔:唔好講啦，快啲行啦！

我地之後行入一間類似休息室嘅物體，但四周都冇晒救護包。

柔:點解冇晒架？點算呀？！！！！

文:冷靜啲先啦，你平時唔係咁架。

X:邊個？邊個係到？

就係呢個時候，後面傳出一把聲

文:我地係人嚟架！

一個男人就行左入嚟，只見呢個男人比較黑，身高應該有180，年紀應該19-20，佢成身都係血，應該同啲屍打完嚟。

X:你地係邊個？點解係到？

柔:我地頭先係出面見到啲屍，我男.....唔係，我朋友比啲屍整傷左，我地入嚟諗住搵止血嘅野幫我朋友。

X:哦，你地跟我嚟呀！我啲fd係上面，啲急救嘅野係我地到。

然後我地一路行，沿途都有一兩隻死左嘅屍

柔:係呢，點叫你？

X:我叫呀權，鍾石權

柔:係呢？啲屍你地殺架？你地有幾多個人呀？

權:係呀，我地有三個人，一個女仔叫趙子欣，另外個男仔叫李小強。

我地行到入一間課室，見到一男一女，個女仔長得頗漂亮，身高大約160，長長嘅馬尾，另外個男仔就好似一個正宗宅男，四眼仔onon99咁嘅樣。

權:欣，快啲拎啲急救包嚟！

欣:佢地係邊個嚟？

權:唔好問住，拎過嚟先！

呀柔係呀欣上接過急救包就立即幫呀文包紮。

包紮期間，我地把我地知嘅野講晒比佢地聽。

柔:咁你地呢？

權:我地係呢到嘅學生，琴日諗住係到靜靜雞過一琴夜，但係就發生左呢件事，我地本來有十幾個人，有啲就死左，有啲就唔理我地自己走左，我呢家係呢到最大，我有責任照顧佢地兩個，之後我就落飯堂諗住拎啲野食，然後就見到你地啦！

只見佢強忍住男兒淚，而身邊嘅呀欣已經喊左出嚟。係角落嘅宅男一路都有出聲，應該係嚇到咁

欣:頭先呀權講嘅十幾個人當中，有一個係我男朋友，當時我地一有事，佢就唔理我地，自己走左去，我憎死佢！

係呢個時候，呀文同呀柔都眼濕濕咁望住大家。

權:我地呢家休息一下先，我地諗下一陣點！

文:我地只要一陣間去到我個朋友屋企就會安全架啦，佢地呢家應該已經到左架啦！等我打比佢先！頂！完來我地電話冇電！

權:我有，你用！

我接過權電話後就即刻打比呀蕉

文:喂，呀蕉，我係呀文呀！

蕉:!!! 你去左邊呀!!! 做乜唔聽電話呀!! 幾驚你有事呀!

文:我地呢家係ive，岩岩先知電話冇電，岩岩預到三個人！我地一陣會過嚟架啦！

呀!!!

蕉:呀文，咩事呀！

.....

外傳(二)

呀！

蕉：咩事？冇野呀嘛？喂，喂！！呀文？

係呢個時候呀文部電話已經跌左落地，正正因為唔係nokia機，所以跌到熄左機

(一直係角落個宅男，忽然指住課室門口大叫) 強：呀！鬼呀！我唔想死呀！

我地一齊望向門口個邊，發現有一隻屍係出面經過。

呀權即刻就用手封住呀強個口

權：咪嘈！

欣：太遲啦！

只見隻屍望住我地，雖然佢個樣冇變，但我已經feel到佢因為見到野食而感到開心，佢不斷係到撞道門，好彩佢唔識開門，但道門已經唔頂得幾耐，再者！出面腳步聲越嚟越多。

柔：呢家點算？

傑：不如沖出去同佢地死過啦？我地咁多人！

文：唔得，你聽唔到腳步聲咩？分明就有其他嚟緊。

傑：咁呢家點呀？我都唔想死住呀！！！！

權：我諗到個方法，呢到有兩道門，啲屍就係哂一道門到，但我地只要係另外道門一出，佢地就會發覺，所以我地要搵一個人負責引開啲屍，而我就決定做引個個。

文：唔得丫，咁你會好危險架。

權：我決定左啦！

文：但係.....

權：唔好但係啦，一陣我一跑出去，你地見我引走晒，你地就快啲走啦，幫我睇住我啲朋友啊！

話都未講完，呀權就沖左出門！

權：死怪物！我係到呀！

隻屍一聽到呀權吧聲，就九秒九，狗沖過去，眼看門後不停有屍跑過。呀文佢地只可以慢慢等。

文：到底有幾多屍係到！

等左一分鐘左右，大約有五至六隻經過，幸好佢地都掛住追呀權，而冇理到呀文佢地。

文：等我睇睇門口先！

文：係時候啦，快啲行！

柔：呀文:-(你隻腳冇事啦咩??

文：好左好多啦，快啲行啦，我地只要去呀蕉表弟屋企就安全架啦

話講完，就行了，呀文.呀柔，呀傑，呀欣，同呀強五個人就開始去呀蕉表弟家路程。

沿途嘅屍都因為呀權嘅關係而引走晒。

到底佢地可唔可以安全到達目的地呢？呀蕉佢地又點呢？

外傳(三)

9點40分

就係呀權引走左d屍之時,呀文五人立即係第二個門口到走左出去,門口黑漆漆,咩都睇唔到.

呀文:呢家點?邊到係出口呢?

呀欣:我知邊到,你地跟住我黎啦.

呀文佢地就馬上跟住呀欣走,希望快快手咁走出ive去到佢地要去的目的地.

一路行,都冇咩特別,只係一d屍臭味令我地好辛苦

正當我地去到門口之時,聽到到另外一邊門口有把男聲大叫.

呀!!!!!!

其實我地都知道個把聲應該就係呀權.

呀文:快d走,我地唔好浪費左呀權一番心機!

呀柔:係啦,快d跑啦.

呀傑:快d走啦..唔想死住呀我!

就係咁,呀文五人就向住龍門居進發

呀文:呀欣,你有冇電話?

呀欣:我有呀,拿.

呢個時候呀文佢地已經跑到仁二中學同求咁秋中學門口了

正當呀文接手呀欣個電話時候

呀文:喂你地見唔見到入邊有對青色光的眼望住我地呀?!!!

四人同聲話:冇呀!

呀傑:唔撚係呀?係咪你睇錯呀!

呀文:唔知呀,希望啦!(呀文心裏仲諗緊佢係咪真係睇錯,但佢感覺係非常真實)

呀文呢個時候就打比呀蕉

嘟嘟嘟.....

呀文:冇理由,點解冇人聽!!

呀柔:唔理啦,快d跑左先,過到去咪知囉!

就係咁一路跑,沿途都冇咩特別,呀文就仲係到諗

(到底係我睇錯定係咩呢?仲有呀蕉冇理由唔聽電話ga,唔通佢地發生左咩事?)

人性

9點30分

門口有腳步聲，正當諗係咪呀文，我想開門嘅時候，電話竟然響起。

係呀文，佢話佢冇事不過仲係ive

呢個時候我表弟想開門。

我:停！唔係呀文

跟住呀文呀左一聲就收左線！

唔係呀文咁係邊個呢？

峰:其實有防盜眼架，傻西瓜

係嗰，跟住我表弟行上去，突然唔出聲，我地問佢咩事佢都唔出聲，我地唯有拉開佢。

之後我地見到嘅畫面幾震撼下。

見到個男人捉住個女人，個女人想叫，但比個男人禁住，好明顯個男人就想強姦個女人，而個女人冇力反抗，只好認命。

我地幾個忽然醒起有槍，而呀健即刻開門想救個女人，正當我地開左門嘅時候，個男人望住我地，當堂嚇一跳，然後得啖笑，見到我地有槍，只好認輸。

男人:唔好殺我呀！

正當呀健考慮緊呢個問題之時，比人強姦個個女人突然跳起。

峰:呀屌，佢變左喪屍呀！

我地嚇左一嚇，明明個女人冇傷口架，點解會冇啦啦變左屍嘅。

呀健一槍射掛左個女人，係呢個時候，個男人都變埋屍，一下抱住呀健隻腳，正當佢想咬嘅時候，突然間有條底褲失左落個男人個口到，呀健再拎起支槍一槍爆頭。

之後再番入屋。

健:救唔到人不但，仲殺左兩個人，唉！

表弟:唔關你事。

正當表弟講野之際，我地發現...

原來佢冇著底褲。

表弟:咩姐，頭先隻屍冇啦啦發狂，冇啦啦咬人，我又諗唔到有乜幫到手，突然靈機一動就除左條底底失落佢個口到囉(平時佢係屋企只著底褲)

峰:你都幾細嗰

表弟:屌你啦

哈哈哈哈哈！

健:點都好，多謝你

我:點解個女人同個男人本身冇傷口，點解冇啦啦變成屍嘅？唔通.....

你地係唔係柱？

異口同聲:吓？

變屍原因

吓？咩柱？

我:柱呀·柱呀！

咩柱呀？

我:處呀·處男呀！

峰:講呢啲(奸笑)

我:認真·快啲答我啦。

峰,健·表弟:係！

我:咁我諗我明啦！

峰:你明乜春姐？

我:我諗我明啲人點解會變成屍！

吓？真架？咁我地咪有得救？

我:未必·都只不過係我個人推測。

健:咁你快啲講啦。

我:我認為呢個係一種病毒·唔係·係兩種·而呢兩種病毒就分別附係男性·女性身上·而當兩種病毒合二為一嘅時候·就會變成屍·咁解釋到點解個一男一女自己冇比人咬過·冇傷口都會變成屍·都解釋到呀文受左傷都點解冇變成屍·我諗咬人係唔會傳染。我諗呢個病毒係由性交而發生。

表弟:屌你咩·唔係掛·咁即係有撚都有撚用啲！

我:(無言)而我都認為當啲病毒唔附係人身上就會死·都解釋到點解我地冇事·我諗我地身上而家都有呢種病毒。

峰:咁點算·呢家點算。

健:咁咪好似伊波拉病毒咁？由人類同黑猩猩性交而發生。

我:唔排除·我地呢家要諗用咩方法去救呀文佢地·同清除啲病毒。

表弟唔知係邊到拎左樣野出嚟·就好似多啦A夢個百寶袋咁：用空氣清新機啦。

心諗·玩野咩·比我地其餘三個怒脾佢

表弟:講笑姐·哈。

早上十點正！

歸來

十點正

咯咯咯！

峰:喂，你道門又響啦。

表弟:你去開啦，著番條褲先！

我一路行一路問，邊個呀！

文:係我呀，呀文呀！

我即刻沖過去開門:你終於都肯嚟啦咩？佢地係？

文:入去先講啦！

呢家係屋入面有九個人。

如是者我把頭先發生嘅事情話晒比佢地聽，佢地都嚇左一下。
然後呀文望住呀柔

我:喂，你地咪呀！

文:咩呀，我都唔係諗緊你諗嘅野

係啦，呢個女仔叫呀欣，呢個我都唔記得，叫宅男啦！

我:哈哈，你好你好，我係呀蕉。

表弟:好綵頭先著番條褲姐，原來有女仔嘅！

健:你地都劫架啦，不如抖下先啦。

我:係囉，唉，本來過嚟平時最多半個鐘，呢家幾個鐘。

表弟:呢到我睇住就得啦，你地訓陣先啦。

佢屋企都幾大，有四間房，我同呀文一間，宅男同呀傑一間，峰同健一間，另外女仔一間，表弟就係沙發到。

以前除左打通機都唔會係朝早訓教，到底訓醒後會唔會變番好呢？唉，短短幾個鐘，發生好多事。

我:文，你頭先點過嚟。

呀文一五一十同我講晒，包括呀權。

我:唉，我唔想再見到有人死。你小心啲。

文:咁我地一陣點算。

我:我都唔知，訓醒先算

人物介紹(重新)

陳照(呀蕉)18歲

平凡中六學生，一直以來都覺得自己冇朋友，自從喪屍出現，一個個朋友出現係自己面前，佢就發誓要保護朋友。一直都鐘意睇屍故嘅佢，發夢都冇諗到會出現係佢面前，屍嘅出現，佢只能夠憑曾經睇屍故嘅常識嚟助佢生存。

戴諾文(呀文)18歲

呀蕉死黨，喪屍出現嘅時候同呀蕉正在打機，份人非常冷靜，能夠每次都協助同伴安全導過，非常重義氣！呀柔嘅前男朋友，為左呀柔連死都不怕！未知喪屍出現能否令佢地重新開始！

周傑(呀傑)20歲

天生只得左手，但左手重拳能夠達到200磅，比平常人左右手更大力，喪屍出現時候，岩岩旅行番嚟，之後就去搵呀蕉幫手，份人非常怕死，如果自己唔洗死，咩都做得出，但係緊急關頭會更加大力。

李加柔(呀柔)17歲

呀文前女朋友，喪屍出現之時係家裏訓覺！訓醒之後發現唔同晒，就打比呀蕉求救！份人觀察力非常高，所以通常都係佢發覺，同呀文之前因為一啲誤會而分開，喪屍出現，令佢地再見面，相信對呀文還有感覺。

黃旦端(呀水，表弟)16歲

呀蕉表弟，屋企靠賣山參海味為生，非常有錢，喪屍出現時唔知做緊乜，住係龍門居，經常覺得錢係大晒，但從喪屍出現之後有所改變，同呀蕉有如親兄弟。

陳子峰(肥仔峰)18歲

呀蕉同學，出事前同呀健一齊，為人傻下傻下，為朋友不計，義氣子女，人雖然大份，但雙手有力。

李健(呀健)

呀蕉同學，份人非常勇敢，為朋友在所不計，同肥仔峰係死黨，出事時同肥仔峰一齊，十分大隻，學校時期班上最好打。

趙子欣(小欣)

呀文係IVE認識到的朋友，男朋友為左求生而不理她的死活，之後跟住呀權同毒男一齊，160高度，馬尾，樣子長得不錯

李小強(毒男)

正宗毒撻，手提電腦不離身，為人非常怕死，細膽，四眼仔。

去向

下午五時

我望住坐係床邊嘅呀文

「早晨呀文」

「早晨啲呀蕉，五點啦，天都就嚟黑，我地點好丫？」

「其實我都唔知架，不如出去睇下佢地醒左未啦？」

於是呀文正當開門之際，一開門就見到呀柔企左係門口

兩人當場紅都面埋

「我同小欣煮左飯丫，岩岩想叫你地起身食飯，你地快啲出嚟食啦」

「嘻嘻，我知道啦，呀文行啦，我好肚餓丫」

出到廳，其他人已經坐晒埋位

「哇，好多野食丫，呀柔，小欣，你地咁叻嘅，邊個娶著你地就好了」呢個時候我單一單眼呀文。

呀文就話「講呢啲」

哈哈哈哈哈，終於見到大家嘅笑容

運動，訓完之後果然係最肚餓，其實每日都係我自己一個係屋企，食杯麵，都唔知有幾耐冇食過煮家飯，如果每日都係咁就好了
當然是沒有喪屍啦！

食完之後嘅我地圍埋討論我地下一步應該點做好。

「呀文，你隻腳冇事啦嘛？」

「應該冇事，抖左陣，應該行到，係啲呀蕉，頭先上嚟個陣你覺唔覺一直有人望住你？」

「冇啲，我地上嚟唔多覺，健，肥仔峰，你地有冇？」

「冇丫」

呀文「咁冇野啦，咁我地之後點丫？」

表弟「不如開個收音機聽下，可能聽到的啲野呢？」

香港各處碼頭開始運送人離開，請各位未離開的市民快到各地碼頭，收音機不停重複。

小欣開心咁講「好耶，我地有救啦。」

呀傑「但會唔會留係到安全啲呀？」

我「但我地點都要走，始終食物有食完一天，雖然出面可能危險，但好過遲啲係到餓死，加上佢運夠人就會走，遲左就未必再有」

呀健「不過點都好，等到聽朝先出發啦，咁夜乜都睇唔到好危險架，大家四點好冇丫」

呀文「一於咁話啦，休息埋今晚」

其他人都一致同意

表弟「你地過嚟一人拎把先啦！」

表弟指住一推大刀

「你屋企幾時變左武器倉架」

「其實我一直都有收藏刀，弓嘅習慣架啦，係你唔知姐，今日終於大派用場了，哈哈」

於是我就拎起一把弓，原因係我早前曾經學過用弓，加上有用菜刀嘅陰影。呀文就拎起一把日本武士刀。而呀健同肥仔峰就拎住一把非常重嘅大劍。兩位女士就拎一把匕首。毒男就照拎住電腦。呀傑就話都係用慣菜刀，自己走左去廚房拎把菜刀

而表弟就拎住三把日本武士刀，扮三刀流，樣子十分搞笑，經我力勸之下佢終於放低一把。

然後傾左陣計之後就各自番房訓。

「呀文，你幾時同呀柔講呀，你地明明仲好在意大家，唔好再係到扮啦，珍惜眼前人呀」

「知道啦，最緊要佢安全，佢安全我就咩都得，有咩都等上左船再講啦。呀呀！好熱隻腳」

「冇事呀嘛？隻腳今朝整傷個到？」

「冇嘅，係有小小熱，我沖涼先啦」

之後呀文就去左沖涼，呀文沖涼時捉住隻腳，發現傷口已經埋口，只不過有啲熱。

另一面小欣同呀柔

「呀柔，呀文係咪你男朋友㗎」

「之前係」

「點解嘅？」

「因為有啲事我誤會左佢，所以」

「哦，唔緊要啦，我睇得出佢好緊張你架，之前唔知你地發生咩事，但之後先係最緊要呀」

「知道啦，你都唔好諗之前個男朋友啦，呢到都好多好男仔架，哈哈」

好耐未試過唔係打機打通宵，而咁早訓教，因為大家都知道聽日係最危嘅一日，所以一定要訓，就算訓唔著都好。

第朝我一早就起身汁好晒野，準備好出發，然後佢地一個一個行出嚟

「抖夠未？係時候出發啦。」

「好！！」

我唔想見到你地任何一個人死係我面前！！

屯門碼頭

文「咁我地出發啦喎」

呀文準備打開門

柔「等等先，先睇下門口有冇喪屍先」

正當呀柔想望之際，插一聲，對門插左五隻手指入嚟

「呀！！」

呀柔嚇到成個跌左落地。

傑「係佢地呀，點算啦」

健「冷靜啲先」

啲喪屍已經殺到嚟門口，睇嚟門口已經冇得走了。

「既然係咁，我地窗口出去啦，十樓姐，快啲入我間房」

講完，所有人入晒房，我把所有桌，椅塞係門，希望可以阻到佢地一陣。

然後一個一個爬落去，首先落去嘅係呀健，然後兩個女仔，到最後係我。

好啦，到我走了，正當我走嘅時候，佢地已經入到嚟，我唯有跑出窗口，一跳，跳左去下層冷氣機頂。

嗚嗚嗚，佢地沖埋嚟，我望住佢地跳落樓。

「一隻，兩隻，三隻，仲有一隻。」

原來唔只四隻，仲有好多係上面望住我。

佢地雙眼發紅，指甲大約有十厘米長，好綵嘅係佢地唔識爬落嚟，只係上面望住我地。

正當我落到五樓我睇到佢地已經落晒去，樓下都有三，四隻嚟迎接我地。

呀健手起刀落，一把大劍斬落面前一隻。

呀文一劍插入對方心臟，但死唔去。呀傑從後補一刀

「快啲落嚟啦」呀文係下面講

呢個時候我見到小欣後面大約五六米有隻喪屍，我一手拎起把弓，一手拎箭，拉弓，感覺好似魔介個位精靈王子咁，一箭發出。

落空

「射準啲啦」肥仔峰係後面一把大劍斬落頭到。

「唔好意思，我射箭冠軍嚟架嘛。」

文「我知，五十年前呀嘛。」

呢個時候我已經落到去地下，哈哈「五年前姐，可能太耐冇練過啦」

傑「點走好？啲野四周圍都嚟緊啦」

「個邊有架貨車呀，上去啦」呀健大叫

正當所有人上晒車之際「點解我坐司機位嘅？」

呀健「邊有人識揸姐？得你學過車。」

「係就係學過。不過肥左姐，唔理啦，屯門碼頭姐，死就死啦」

諗緊點解唔行，我先發現原來我未著架車

「各位團友，亡命貨車即將啟動，請各位保持冷靜，唔洗扶，因為即使你揸實扶手都有用，go go go」

喪屍們食塵啦，眼見後面有源源不絕嘅喪屍，我只好踩油撞開前面障礙物

比我想像中易，已經到達屯門碼頭。

但係我地已經比過百隻喪屍重重包圍。而沒有發覺有任何一架船。

下回係第一章嘅完結，究竟佢地有邊個可以生存落去呢？

完

傑「點算呀，又說有船，一架都冇喎」

柔「等等，海中心個架係咪船嚟？呀蕉，試下用車頭燈嚟發sos」

呢個時候啲喪屍已經走到過嚟，而我就開著車頭燈。

突然，海中心有回應。

柔「係船丫，佢過緊嚟啦，頂住呀。」

呢個時候全部人都落左車，面前已經過百隻喪屍。

而呀健，表弟，呀文企係前面頂住喪屍，而其他人就跑去等架船到

我就係佢地後面用弓幫佢地手

表弟手起刀落「一隻，兩隻，三隻，有幾多架，斬嚟斬去都仲有嘅。」

呢個時候有一隻將呀文撲低左。

柔「文！」

拉弓，發力，放！

一下穿心箭將撲低左呀文個隻喪屍殺左

爆頭！一隻兩隻

「蕉仔，你好叻呀，又攞冠軍」

呢個時候我諗起有人講過

由細到大練弓都只不過係射靶，射得幾高分，下下命中紅心好，都只不過係分數，攞冠軍又好，對我係冇意思。因為唔係我想支持我嘅人同我講。

幸好當初我有學過，先有機會幫到人，雖然好似殺人咁，但已經感到麻木，一箭一箭咁射。

不經不覺已經所淨無幾。眼看後面船到還有一段距離，心裏有點害怕。

前面已經打得筋皮力盡，突然呀健把劍斷左。

而我都用埋最後一發箭

？國制造？

表弟「對唔住呀，個把係上次番琛震個陣見到街邊檔買架」

「屌，肥仔峰，拎把劍嚟，走開呀健。」

柔「船到喇，快啲上船」

所有人都上晒船。完

邊有咁快

得番我，呀文，同表弟係地上面。而其他人已經上到船

係呢個時候，我隻腳比隻手捉住。

「呀蕉！」呀文大叫

「呀！！！」表弟雙刀斬落去

我望住腳下嘅咬痕

「走呀，呀文，你地走先，記得同呀柔講」

「唔得，我唔會唔理你」

而個時候呀健已經拉走呀文上船

船員「我地要開船啦，佢地就上到嚟啦。再唔走，走唔切啦。」

而表弟幫我解圍之際，雙刀一出，竟然比人接住左。

青光眼。

眼前出現一隻大約兩米高，青色眼睛，上身充滿咀蟲。係上身慢慢移動。

空手將表弟兩把刀接著。

青眼怪出現令其他喪屍都退後幾步

文「係我琴日見到個隻青光眼呀」
呀文已經跪係船上，而船已經慢慢開動

表弟用力將兩把刀拿番出嚟

表弟「文，比埋你把刀我。」

呀文將手上把刀掉比表弟

表弟一拎到刀之後將其中一把刀放落口咬實。再向青眼怪出刀。青眼怪一樣接著表弟手上兩把刀。

之後表弟快速自轉，用口上把刀斬向青眼怪個頭，然後再雙手接番個兩把刀，可惜未能將青眼怪個頭斬甩。
。

我用盡還有嘅力氣用我把大劍一下插落隻青眼怪身上，佢嗚一聲，將我連人帶刀成個掉左人喪屍群入面

然後表弟再次出刀把青眼怪一分為二。

終於殺左佢！

我望住開緊嘅船上邊嘅呀文佢地同埋企係我面前嘅表弟

「你地要生存落去」

「呀蕉！」

眼前一閃！！！！

第一章完

第二章開始會比較ff，係後日會開始出